

'Anggun Che Sulong jenama diri saya'

SITI KHAIRULNISAH MOHAMMED BAJURI

Keunikan namanya menyebabkan Anggun Che Sulong Samsuri Mohamed, 40, sering jadi perhatian sejak kecil. Nama itu memiliki ciri klasik

Melayu dan berbeza dengan kebanyakan nama lelaki Melayu Muslim yang sebaya dengannya.

Katanya, nama itu diberikan sendiri oleh ayahnya.

"Pada mulanya ayah dan

mak nak namakan saya dengan nama lain. Entah macam mana boleh namakan saya Anggun Che Sulong ketika buat pendaftaran di balai polis," katanya.

Anak sulung daripada sembilan beradik ini berkata, nama itu dipilih mungkin kerana ayahnya terlalu meminati watak dalam satu kesusasteraan Melayu lama, berjudul *Hikayat Anggun Che Tunggal*.

"Sebab itulah ayah namakan saya Anggun Che Sulong, berbanding adik-beradik lain hanya dinamakan dengan nama biasa sahaja.

"Mungkin ayah mahu saya jadi orang baik dan berguna kepada masyarakat seperti watak hikayat kesusasteraan Melayu lama tu," katanya.

Guru, rakan mudah ingat nama

Anggun Che Sulong berkata, disebabkan keunikan namanya itu juga, dia mudah diingati guru dan rakan sebaya ketika di bangku sekolah walaupun pada awalnya mereka pelik mendengar namanya.

"Sampai sekarang, ada cikgu masih ingat nama saya walaupun dah lama tak jumpa dan mereka kata, tiada nama tu selain saya.

"Sama juga dengan kawan sekuliah di Universiti Putra Malaysia (UPM) dan tempat kerja lama juga ingat nama saya sehingga hari ini kerana ia sangat unik," katanya yang juga Pegawai Khas



Anggun Che Sulong bersama isterinya, Siti Syuhairah Aman dan tiga anaknya.



Keluarga besar Anggun Che Sulong.



DENGARKAN CHEF DI KONTI



CHEF AZALIA
CHEF ALAF 21



ADUNAN
30 RESIP BONUS!



ABANG BRIAN
DJ SURIA FM & MASTERCHEF

*DISKAUN 25% DENGAN MENGGUNAKAN KOD INI: **ADUNAN**

MENU

SURIA
ISNIN - JUMAAT | 10AM - 1PM

TARIKH

KHAMIS
28 SEPTEMBER 2017

MASA

11.00 PAGI -
12.00 TENGAH HARI

FREKUENSI

105.3FM
LEMBAH KLANG



CEPAT & MUDAH

Dapatkan buku ini dengan DISKAUN ISTIMEWA 25% menggunakan kod: ADUNAN dan hantarkan kepada 019-2297227 (Karangkraf Mall) melalui aplikasi Whatsapp

PROFIL

Nama: Anggun Che Sulong Shamsuri
Umur: 40
Asal: Kampung Simpang Empat, Tanjung Malim
Isteri: Siti Syuhairah Aman, 37
Anak: Amir Danial, 9; Irham Danish, 7, dan Adam Dhani, 5
Pendidikan: Ijazah Sarjana Muda Komunikasi, UPM

Exco Kerajaan Perak, Datuk Rusnah Kassim.

Menurutnya, tiada rakan yang mengejek namanya yang unik dan berbeza dengan orang lain itu.

Tak mahu tukar nama lain

Ditanya sama ada mahu menukar namanya kepada nama lain, Anggun Che Sulong berkata, dia tidak pernah terlintas mahu menukar namanya, kerana ia adalah dirinya selain unik berbanding nama orang lain.

Menurutnya, ayahnya juga pernah bertanyakan soalan sama, tetapi dia tidak mahu menukar namanya kepada nama lain yang lebih komersial.

"Bagi saya, Anggun Che Sulong itu sudah unik buat diri saya, tak perlu ditukarkan kepada nama lain.

"Anggun Che Sulong dah jadi jenama diri saya sendiri," katanya yang turut berterima kasih kepada ibu bapanya kerana memberikannya nama yang unik.



Sebagai Pegawai Khas Kerajaan Negeri, Anggun Che Sulong (kiri) tak terkecuali turun padang melawat penduduk di sekitar kawasan Dun Behrang.